





十 十 十  
卯 卯 卯  
十 十 十  
卯 卯 卯  
十 十 十  
卯 卯 卯





道光庚子夏  
五月金陵張  
氏校琴宋本

六朝事迹編類十四卷宋江東幹官張敦頤撰建康留  
守韓仲通所刊也書作於紹興三十年高宗戢影臨安  
是年殿中侍御史杜莘老請駐蹕建康以增士氣故此  
書於六朝建都一門極言建康爲根本地以吳孫皓梁  
元帝李嗣主爲失策此著書之微意不獨誇名勝遊覽  
而已也總敘一門言城鎮拒守最詳其餘諸門亦多駁  
正舊說如檀城據建康實錄在墅城東八里非去縣八  
里方山據南齊書徐孝嗣諫武帝未嘗築苑溫嶠墓據  
晉書當是嶠妻何氏墓之類周應合景定建康志實多  
取之亦有周略而此詳者如芳樂苑周列官殿中作芳



樂殿又如南唐興德王廟僅見此書宋人載金陵事書  
 如陳軒金陵集石邁古迹編金陵故事乾道慶元二志  
 等俱罕傳則此書亦幸存矣壬辰春於京師琉璃廠見  
 曹棟亭家藏鈔本此書及石林建康集俱有棟亭曹氏  
藏書六字印又  
 長白敷槎氏昌齡印因購建康集假是書以臨寫之內元武湖作  
 真武湖貞觀忠貞貞皆作正定為宋本此書直齋書錄  
 解題作二卷與六朝宮苑記俱無撰人名氏茲本十四  
 卷與張氏自序及宋史藝文志合乃知世所行明吳瑄  
 刊本併為上下卷非其舊也吳刊本昇訛為昇南唐先  
主李昇  
音弁日光貌泉訛為泉唐韋君碑竇泉書泉古暨字見  
說文竇泉作述書賦者作泉非  
 明也作昇非

楊修之訛為楊修景定志云楊備字修之慶厯中為尚  
書虞部員外郎分司南京上輕車都

尉往復江上賦金陵覽古百題詩他如脫落處文理多  
各注其事於題之下作楊修非

不貫茲本較為完好然亦不能全無誤字蓋傳鈔之過

今悉仍之審書中如烏衣巷張氏引晉書王導紀瞻皆  
在此巷而又引劉斧拾遺

王謝航海改劉禹瓦官寺棺當作官此書不引晉哀帝  
錫詩王謝作王謝

引長沙僧瓦棺隋陳爭馬鞍山在巫峽間誤引  
中舌吐青蓮馬鞍山於此又誤以呂忠肅為魯肅皆

失俱為景定志所駁又昭明太子墓不言安寧陵而引

窮神祕苑燕雀湖臺城獨詳沈約鬼子青箱吟詩菩提

王靳尚兩載其廟城郭宮殿未為賅備而靈異識記神

仙寺院廟宇分為五門頗不免好奇之失繁簡失宜或



沿襲圖經舊說未盡可據若古迹如新林板橋梅岡烈洲之類俱未載宋史仍有吳彥夔六朝事迹別集十四卷相輔而行當續訪之同學張君容園博學嗜古雅好金石以此書碑刻一門尤資考證爰重付梓余因舉管見攬摭數事附識於末以質當世道光庚子夏五月金陵朱緒曾識

重刊宋本六朝事迹編類後跋

六朝都金陵山川古迹代有作者如劉澄之揚州記樊文深秣陵記山謙之丹陽記陶季直京都記無名氏六朝宮苑記今並不傳近人虞山張海鵬重刊唐許嵩建康實錄陽湖孫伯淵重刊宋周應合景定建康志皆金陵古書之最善者若夫承實錄之後開景定之先則有六朝事迹編類一書不可不急爲流布也攷六朝事迹編類十四卷宋紹興中江東安撫幹官張敦頤撰建康留守韓仲通刊於建康府學前列敦頤自序云取吳志晉書及宋齊而下史傳與夫當時之碑記參訂而攷之



六朝事類通編卷之二  
雖埶以南唐北宋之事然其大旨以六朝為主分門類引體例頗佳三百餘年之興衰一展卷而瞭如指掌各條下多係宋楊修之詩修之名備官虞部員外郎宋景文稱其書訛刺字皆用古文者嘗著金陵覽古百題詩每題下注其故事其書久逸幸埶此以傳末爲碑刻門多爲南宋金石家所未獲見如陳江總棲霞寺碑唐王清觀四等碑李白貞義女碑此陳思寶刻叢編未錄者也晉竺使君銘及頌宋謝濤夫人墓記齊巴東獻武公碑梁諸王碑唐明徵君碑此王象之輿地碑記目未錄者也景定志引之而未備元至正金陵新志亦援此立

碑碣一門近嚴上舍觀撰江甯金石記所載多古人未見而較此目不及十之二三其未見者據此書編待訪目尤足以資攷核但載吳封禪碑云在常州自非金陵物不應錄耳是書凡十四門每門爲一卷宋史藝文志載之卷數亦同署張養正撰養正乃敦頤字宋陳振孫直齋書錄解題作二卷不著撰書人名氏金陵新志列舊志書目引此爲六朝事類省文也然十四卷本頗難得卽二卷本亦僅存四庫總目提要亦作二卷四庫全書攷證云東晉恭帝元熙二年二譌作元梁總敘天監中有州二十有三脫三字六朝郡國注江陽陽譌



清汶山汝譌江是亦非善本明吳瑄古今逸史本分上下卷固非專書且多譌舛讀者病之予向欲求宋槧逐加補正而不可得今春從同邑朱述之大令借得手鈔本十四卷據云原本亦係舊鈔向爲曹棟亭家藏以中多闕宋諱末筆定爲影宋每葉十四行行十六字景定志載其書二百三十版此鈔二百三十葉恰與之合予因錄其副重付之梓以冀流傳卽與吳本校對一過茲本序題次行列敦頤銜名每卷大題下同書後列韓仲通序一篇末葉首題建康府學開鏤六字次有紹興三十年等字一行又題衆官結銜十一行皆吳本所闕落

者餘吳本譌脫不可殫述然此本亦尙有誤字如總敘門吳大帝注云卽位在魏太和七年壬寅歲按太和乃魏明帝年號無七年三國志魏文帝黃初二年己亥權納趙咨之言謂宜改年號正服色十一月就吳王位大赦改明年壬寅爲黃武元年後七年至魏明帝太和三年己酉改元黃龍元年公卿百司皆勸權正尊號丙申卽皇帝位此誤以壬寅與太和合爲一時又誤二爲七也其載吳之輿地云據江南盡海置交廣荆郢四州按孫權有揚州治建業宜曰五州陽湖洪稚存補三國疆域志作四州者無郢州也又云有郡四十五通典作四



十三洪作四十六是也齊州凡三十有三此誤作二十  
有二梁注中夏侯道下脫遷字懸瓠下脫彭字當作  
懸瓠彭城漢川蜀下當有川字其他異同處述之為考  
證數事埶識於後茲並刊之敦頤婺源人紹興八年進  
士由南劍州教授歷官知舒衡五州致仕云時道光太  
歲在上章困敦皋月望日壬元張寶德謨出帝太味三

國志廢文帝黃帝三平已交難  
大味三平已交難  
大味三平已交難  
大味三平已交難  
大味三平已交難  
大味三平已交難  
大味三平已交難  
大味三平已交難  
大味三平已交難  
大味三平已交難

高陽許嵩作建康實錄文多汗漫參攷者疲於省閱新  
安張養正裒舊史而為六朝事迹編類部居粲然俾江  
左三百餘年之故實名布方策非博雅好古未易成此  
書也余叨守建康養正適以議郎居幕府因取其書刊  
於此邦養正名敦頤屢專侯類以文章道義為學者之  
所矜式此特餘事爾紹興庚辰立冬日東魯韓仲通書



向者左出卦籍事爾際與氣立冬日東營韓仲蘇書  
謂此後者五名楚則氣專外賦以文章蓋善為學者之  
謂以余四守數氣養五歲以蕭瀆思幕法因歎其書既  
五百餘年之始實各亦古之非與於我古未易知也  
公亦於此東書史而為六師事也誠賤語也榮然對立  
高則高而中載氣實幾文之非與於我古未易知也

建康府學開鏤司書黃永弼校勘

紹興二十年十月 日

右迪功郎權江南東路安撫司準備差遣程 禧

右通直郎知建康府上元縣主管勸農公事兼兵馬監押滕 瑾

右宣教郎知建康府江寧縣主管勸農公事兼兵馬監押陳希年

左奉議郎充江南東路安撫司幹辦公事張敦頤

右承議郎充江南東路安撫司主管機宜文字趙一鶚

左朝請郎添差充江南東路安撫司參議官傅祿卿

右朝奉郎通判建康軍府兼管內勸農事提舉圩田李衡老



右朝奉大夫通判建康軍府兼管內勸農事提舉圩田蘇師德  
左朝散大夫尚書戶部郎中總領江東淮西諸軍錢糧所主管御前軍馬文字都 絜  
敷文閣學士右大中大夫知建康軍府江南東路安撫使馬步軍都總管兼行

宮留守司公事東魯郡開國侯食邑三千戶食實封叁佰戶 韓仲通

武寧軍節度使兼領江寧鎮主營糧料公事兼領江寧鎮使司  
武寧軍節度使兼領江寧鎮主營糧料公事兼領江寧鎮使司

孫興三十五十日

武寧軍節度使兼領江寧鎮主營糧料公事兼領江寧鎮使司

增識

建業 此書序云晉太康初廢建業復為秣陵非也按

晉書地理志云太康三年分秣陵北為建鄴太平寰宇

記晉太康三年分淮水北為建業淮水南為秣陵蓋二

邑並置未嘗廢建業也又建業字因避愍帝諱改為建

康諸書皆同獨晉志失載而云改業為鄴晉書凡建業

皆作鄴後人多沿用之然當以業為正

江甯 序但云隋併秣陵同夏建康三縣入江甯縣未

詳江甯各所自始諸書所載各異晉書地理志云太康

二年分建鄴置宋書州郡志云太康元年分秣陵立臨



江縣二年更名按江甯在淮水南宋書謂分秣陵置是也太平寰宇記云故江甯縣城在縣南七十里輿地志晉永嘉中帝初過江南以江外無事甯靜因置江甯縣以江甯縣爲元帝所置與諸書不合然言江甯命名之義似可備一說景定志亦未引及故特錄之

江甯府 按唐至德二年置江甯郡此序未及考元和郡縣志云武德三年杜伏威歸化改江甯爲歸化縣九年改爲白下縣屬潤州貞觀九年又改白下爲江甯至德二年於縣置江甯郡乾元元年改爲昇州兼置浙西節度使上元二年廢昇州仍改江甯爲上元縣此序吳

南唐沿革據南唐書當補封徐溫爲齊國公事李昇本徐知誥僭位後始改姓名此直云封李昇爲齊王亦誤也吳瑄本更脫落不可通

漢川益州 論梁廢興云承聖三年魏陷漢川益州並誤也據周書梁書梁大寶二年十月魏達奚武取漢中侵南鄭承聖元年四月秦梁刺史蕭循降魏承聖二年尉遲迴伐蜀八月益州刺史蕭僞降魏承聖三年魏取襄徒岳陽王譽於江陵又陳文帝大嘉二年破周將賀若敦武陵等六郡復南屬

靈和殿 南史云時舊宮芳林苑始成武帝以植於太



昌靈和殿前建康實錄亦作太昌雲和殿元王士點禁  
扁云二殿並在青溪

滎陽 吳孫皓置當作營陽宋書州郡志營陽江左分  
零陵立元和郡縣志吳分零陵置營陽郡以郡在營水  
之南因以爲名此作滎陽沿晉志之訛晉志謂穆帝立  
營陽亦誤此篇三國兩晉州郡沿革全用晉志詳畢尙  
書沅晉志補正

檀城 此本謝元別墅與東山墅自是兩地輿地志謂  
謝安奕棋所勝者是也按晉書建康實錄云安命駕出  
土山墅此安之墅也云留元圍棋賭別墅此元之墅也

若元勝則土山墅屬元今安勝故以元墅乞羊曇文義  
易曉後人不知元自有墅遂謂安以土山墅乞羊曇誤  
矣豈有勝棋而反輸物耶又重請者張元而賭棋者謝  
元明李維楨力辨安與張元賭棋謂非謝元不知張元  
焉得有墅亦何爲懼而不勝耶

烽火樓 自建康至江陵五千七百里按建康實錄紀  
陟答司馬昭曰自西陵至江都五千七百里此書云自  
建康至江陵非也

衛玠臺 志景定志有衛玠墓而無衛玠臺此書亦未言  
築臺之故疑誤



賞心亭 景定志載此甚詳然有三書未引按會敏行  
獨醒雜志云晉公自兩制出守金陵陞辭之日章聖以  
八幅袁安卧雪圖賜之旁題云臣黃居案定到神品蓋  
不知爲誰筆也其所畫林石廬舍之所人物苦寒之態  
無不逼真侈上之賜於金陵城西北隅築堂曰賞心施  
此圖於巨屏觀者驚異張舜民彬行錄云丁晉公登賞  
心亭以家藏袁安卧雪圖張挂之於屏風晉公既去未  
幾遂亡其圖繼來者又以布衣鄧淑所畫寒蘆野鴨圖  
充之今蘆鴨亦無有但紙糊粉堊而已湘山野錄云賞  
心亭丁晉公出鎮日重建秦淮絕致清在軒楹取所寶

周昉袁安卧雪圖張於亭之屏凡經十四守雖極愛而  
不敢輒覬偶一帥竊去以布按此下脫衣畫雁掩之君

玉復守是郡登亭留詩云云王琪詩已見此書中詩與江山相表

裏爲賢畫者之蕭斧也阮閱詩話總龜引此條多脫誤諸書所言黃居

宋鄧淑姓名足補景定志之缺王漁洋尙書謂宋眞宗

賜玉欽若蓋因丁謂而訛耳

聽箏堂 江南通志辨訛類云舊志引六朝事迹云晉

元帝幸謝安宅命讌使桓伊笛又奏箏作金縢曲此孝

武非元帝也伊自請箏歌乃在帝所非安宅今觀此書

云晉孝武幸謝安宅並無晉元帝之訛至云幸謝安宅



則與諸書不合建康實錄云時上嗜酒司馬道子專政昏亂謝安女壻王國寶諂媚於道子安惡其爲人每抑制之國寶讒諛稍行於主相之間以安功名盛極而構會之隙遂成帝時召伊飲宴安侍坐帝命伊吹笛卽爲一弄乃放笛云臣於箏分乃不及笛然自足以韻合歌管請以箏歌並請一吹笛人帝善其調達乃敕御妓奏笛伊又聞御府人於臣必自不合臣有一奴善相便串帝彌賞其放率乃許召之奴旣吹笛伊便撫箏而歌怨詩曰爲君旣不易爲臣良獨難忠信事不顯乃見有疑患周且佐文武金滕功不刊推心輔王政二叔反流言

聲節慷慨俯仰可觀安泣下沾襟乃越席而就之捋其鬚曰使君於此不凡帝甚有媿色晉書略同此書割裂致舛通志又從而甚之乃知讀史不易刪節也又聽箏堂非謝安墓此書云至今樵采者不敢近亦殊不可解芳樂苑景定志宮殿云齊芳樂殿引齊史云東昏侯大起芳樂玉華諸殿按南齊書云後宮遭火之後更起仙華神仙玉壽諸殿又於闕武堂起芳樂苑不載芳樂殿之名南史云於是大起諸殿芳樂芳德仙華大興含德清曜安壽等殿又別爲潘妃起神仙永壽玉壽三殿又以闕武堂爲芳樂苑殿苑皆有芳樂之名獨景定志



云玉華殿不知所出蓋卽玉壽之訛又景定志不載芳  
樂苑亦漏略也禁扁最詳亦或誤也  
迎擔湖 擔負擔之義都濫切字從手景定志作檐非  
也按宋以前言石頭城後有此湖與元武湖宋時曾廢  
爲田並無莫愁湖之名至明人附會盧莫愁遂流爲丹  
青呂太守新修府志云見太平寰宇記攷寰宇記本無  
其名前人已多辨之矣獨勝棋樓羣信爲明太祖徐中  
山賭棋實有其事及讀王世貞金陵諸園記云東園一  
曰太傅園明太祖賜中山王者餘魏公諸園皆徐氏子  
孫所創莫愁湖園者亦徐九別業也乃知中山王時並  
未有湖園豈有賭棋之事又讀京山李維楨游莫愁湖  
記云前爲四美堂是徐髯仙篆後爲勝棋樓則徐公子  
筆也謝安賭棋在東山墅謂樓可以冒墅乎其論之如  
此徐公子卽徐九是王李二記俱不言明太祖徐中山  
賭棋事小說傳聞恐不如弇州京山之足據也然魏國  
諸園盡圯獨賴此一曲湖光瞻仰遺像子孫之宅祖宗  
依之當奉馨香於勿替也

蘇峻湖 晉書成帝紀建康實錄俱云蘇峻爲李陽所  
斬獨晉書蘇峻傳云峻突陣不得入將迴趨白木陂牙  
門彭世李平等投之以矛墜馬斬之白木陂亦與白石



陂異

桃葉渡 此沿圖經之誤景定志削而不載是也前人  
已辨之矣隋書五行志云陳時江南盛歌王獻之桃葉  
詞後隋晉王廣伐陳置將桃葉山下及韓擒虎渡江大  
將任蠻奴至新亭以導北軍之應然亦無桃葉渡之名  
又今上水門乃楊吳造城始貫淮水於城中若晉時自  
是城外獻之迎妾渡江及杜牧商女隔江之唱詩人偶  
爾寄興非可泥以地界也明時桃葉渡遍種桃花之國  
初改設利涉橋卓發之詩池北偶談已言之矣  
景陽井 張舜民彬行錄辱井石檻上刻後主事小字

八分極其精古乃大厯七年張署文頗詳爲近年俗人  
題記刊刻所掩甚可惜也又有太和四年篆書可見者  
數字耳王象之輿地碑記目云景陽井銘有云其一隋  
煬帝所作其一張著撰又陳景陽宮井欄石刻唐人書  
今在舊行宮歐陽公云晉王書戒哉戒哉字已不存象  
之觀書擒虎則闕去虎字書世則作世皆以避唐諱知  
爲唐刻也

鳳臺山 鶯鶯姚寬西溪叢話作鶯鶯宋元豐九域志  
載江寧縣有鳳臺山四望山而無望祭山然諸書亦無  
馬鞍山 景定志駁之是已陳書呂忠肅南史脫忠字



然與金陵無涉志通之景曰刺書呂忠肅南史劉忠宰  
望祭山諸書皆有四望山而無望祭山然諸書亦無  
望祭之義此書亦不言山所在又無四望山惟引通典  
省四望座等事所未詳也

平陵山韓晃斬於山下圖經云蘇逸亦斬於山下非  
也晉書成帝紀咸和四年己未將軍王允之及逸戰於  
溧陽獲之蘇峻傳蘇逸爲李陽所執斬於車騎府又張  
健與馬雄韓晃等輕車俱走李閔率銳兵追之反於巖  
山健等不敢下山晃獨出帶兩步釵箭卻據胡床彎弓  
射之殺傷甚衆箭盡斬之巖山卽平陵山寰宇記亦載

白楊路吾侶偶游句有脫誤南史袁粲傳嘗步屨白  
楊郊野道遇一士大夫便呼與酣飲明日此人謂被知  
顧到門求進粲曰昨飲酒無偶聊相邀耳竟不與相見  
語句小異卽此事也

烏衣巷景定志辨王謝燕是已按山謙之丹陽記云

吳時烏衣營處是烏衣之名始於吳而晉王謝特居此  
巷耳近人謂王謝子弟皆服烏衣謬甚

秦淮石誌輔公祐大宋乾德四年石誌楊文公談苑

陳鵠耆舊續聞皆與此同玉海有乾德天明二號然考  
唐書武德六年八月輔公祐反國號宋七年三月斬之



首尾僅三年耳且兩改元據此安得有乾德四年之誌乎疑元年之訛晉興此曰王前帝葬於天興二年燕雀湖  
郗氏化蛇 據南史郗氏沒於襄陽返葬徐州沒於梁武未卽位之前豈得云以生存妬六宮耶鹿苑寺龍天玉井蓋又因梁皇寶識而附會也  
燕雀湖 此書靈異門有燕雀湖墳陵門無昭明太子陵甚爲踈漏窮神秘苑所云不見正史武帝無移葬昭明事蓋附會景帝殺臨江閔王燕數萬銜土置冢上王莽掘下姬冢燕數千銜土投穿中而爲之也梁書南史皆云大通三年四月辛巳薨五月庚辰葬安甯陵建康

實錄注陳書岳陽王卽位追尊昭明皇帝陵在建康縣北三十五里元和郡縣志陵在縣東北五十四里查研山建康志陵在城東北四十五里賈山前又南史杜崩兄弟發安甯陵以報漆髒之酷俱不載燕雀銜土成墳事按燕雀湖景定志引舊志云在城東二里走馬橋東或云今惟政鄉白蕩湖卽其地是宋時已莫定所在要與查研山賈山絕不相涉明人因元武湖名後湖遂附會爲前湖明孫應嶽金陵選勝篇云明太祖填塞前湖以爲大內顧遜園客座贅語又謂太平門外鍾山下小窪名燕尾湖俗且謂前湖太於後湖不知元武湖自王



安石廢爲田惟有小池明初濬之以貯冊庫趙惟賢後湖志載之後人不知明初開後湖而侈談塞前湖爲大內誤矣昭明之陵既發掘於杜蔚復鏟平於明祖有是理乎

清涼廣惠寺 溫飛卿遊清涼寺詩此書及景定志俱載之按溫詩非作於金陵也其詩云詩閣曉窗藏雪嶺畫堂秋水接藍溪又有寄清涼寺僧詩云檐向玉峯籠夜雪砌因藍水長秋苔此與少陵藍水玉山之句皆作於長安藍田太平寰宇記云藍田山一名玉山三秦記有川方三十里其水北流出玉若金陵之清涼寺所謂

雪嶺藍溪玉峯藍水何所指乎且石頭清涼寺楊吳順義中徐溫建爲興教寺南唐改石頭清涼大道場五燈會元金陵清涼院文益禪師與李主論道清涼之名始於南唐溫飛卿時安得先有詩乎溫集一作清源寺攷宋敏求長安志藍田清源寺在輞谷唐王維表乞施爲寺卽溫所詠也又唐張祐石頭山寺詩不云清涼又今人不知清涼乃寺名石頭乃山名混稱之曰清涼山亦非也又考楊吳南唐以前唐亦有清涼寺在幕府山唐彥謙過清涼寺王導墓下云江左風流廊廟人荒墳拋與梵宮鄰多年羊虎猶眠石敗壁貂蟬祇貯塵萬古雲



山同白骨一庭花木自青春永思陵下猶淒切廢屋寒  
風吹野薪又遊清涼寺云白雲紅樹路紆縈古殿長廊  
次第行南望水連桃葉渡北來山枕石頭城一塵不到  
心源淨萬有俱空眼界清竹院逢僧舊曾識旋披禪衲  
爲相迎按景定志宋明帝陵在幕府山西與王導墳相  
近彥謙詩所云陵下卽指宋陵蓋寺可徙置而陵墓不  
可動移據此知唐時清涼寺在幕府山王導墓下至南  
唐有所遷改耳

瓦棺寺 棺當作官此書與方輿勝覽誤同景定志駁  
之是也按梁釋慧皎高僧傳竺法汰傳云瓦官寺本是

河內山玩墓王公爲陶處晉興甯中沙門慧力啟乞爲  
寺止有堂塔而已及汰居之更拓房宇修立象業又起  
重門汝南世子司馬綜第去寺近遂侵掘寺側重門淪  
陷汰不介懷綜乃感悟躬往悔謝傳中所云山玩墓方  
志俱未載明人有阮籍墓之說程徵君廷祚力辨其妄  
謂當是阮孝緒墓亦無他證後之修志者補河內山玩  
墓削阮籍墓豈不較有據哉

昇元寺 宋史五行志云周廣順初江南伏龜山圯得  
石函長二尺廣八寸中有鐵銘云惟天監十四年秋八  
月葬寶公於是銘有引曰寶公嘗作偈大字書於版帛



幕之人欲讀之者必施數錢乃得讀訖卽幕之是時名士陸倕王筠姚察而下皆莫知其旨或問之云在五百年後至卒乃歸其銘同葬焉銘曰莫問江南事江南自有馮乘雞登寶極跨犬出金陵子建司南位安仁秉夜燈東鄰家道闕隨虎遇明興其字皆小篆體勢完具徐鉉徐鍇韓熙載皆不能解及煜歸朝好事者云煜丁酉年襲位卽乘雞也開寶八年甲戌江南國滅是跨犬也當王師圍其城而曹彬營其南是子建司南位潘美營其北是安仁秉夜燈也其後太平興國三年淮海王錢俶舉國入覲卽家道闕意無錢也隨虎遇戊寅年也較

此益加詳然言寶公葬伏龜山與陸倕製銘葬鍾山建塔不合且詩係唐五律體五行志雜取小說恐是埒會於寶公耳

荆將軍廟 此圖經之謬按文選廣絕交論注引列士傳但云荆將軍墓不云名軻軻爲燕太子客死於秦安得有葬溧水之理

巴東獻武公墓 此書及景定志俱不詳名氏按南齊書蕭穎胄傳梁天監元年詔曰齊故侍中丞相尚書令穎胄可封巴東郡公邑三千戶本官如故喪還車駕臨哭渚次詔曰齊故侍中丞相尚書令穎胄葬送有期前



代所加殊禮依晉王導齊豫章王故事可悉給諡曰獻  
 武復齋碑錄云齊侍中蕭穎胄碑梁普通三年立即此  
 墓碑也巖上舍觀江甯金石待訪目誤以齊故尚書令  
 侍中巴東獻武公碑與齊侍中蕭穎胄碑析分為二  
 謝濤墓碑 文見陶宗儀古刻叢鈔云濤字明遠祖瑤  
 字球度父珙字景山又有宋臨澧侯劉襲墓誌泰始六  
 年葬琅玕之乘武岡又有唐河東裴昌墓志元和十五  
 年窆於上元縣鳳臺山梅嶺岡之東王鉅文

永陽敬太妃墓誌銘 此書云在清風鄉按古刻叢鈔  
 云太妃王氏祖粹父儼普通元年十一月己卯薨粵其

月戊戌瘞於琅玕臨沂縣長千里黃鵠山據此則非清  
 風鄉矣

韋君碑 今碑題朝議大夫檢校國子司業兼御史中  
 丞吳郡開國男陸長源撰朝議大夫尚書兵部郎中兼  
 侍御史上柱國竇泉書貞元三年獻春之月上元之辰  
 建造在茅山

夫人易氏墓誌額 按江甯金石待訪目引天下金石  
 志南唐夫人易氏墓誌蓋稱蓋字是也碑有額而墓誌  
 無額誌外合一石題銜名所謂蓋也陶宗儀古刻叢鈔  
 有唐賈水部墓誌額是前人亦有稱蓋為額者然皆誤



矣

祭悟空禪師文 此書云李後主書非也陸游入蜀記云出西門遊清涼廣慧寺寺距城里餘舊有德慶堂在法堂前榜乃後主撮襟書石刻尙存而堂徙於西偏矣又有祭悟空禪師文曰保大九年歲次辛亥九月皇帝以香茶乳藥之奠致祭於右街清涼寺悟空禪師按南唐元宗以癸亥歲嗣位改元保大當晉出帝之天福八年至辛亥實保大九年當周太祖之廣順元年則祭悟空者元宗也建康志以爲後主非是

舊經當作舊圖經通志藝文略江甯府圖經六卷寰宇記引建康圖經太平御覽有金陵圖江甯圖江甯圖經惜今俱不存

六朝事迹編類附識終



敘

歲丙申余奉命來守金陵卽訪郡志唯宋周應合景定建康志爲最古其宋槧本向庾督署陽湖孫淵如通奉據以刊行世始有印本紹興間張養正六朝事迹編類四庫所錄僅世傳二卷本原書十四卷宋本世之藏書家祕不示人故無從得今上元張文學寶德字容園博雅好古究心訓詁金石之學於桑梓文獻尤極加意從其友朱大令述之所得十四卷宋本校錄付梓以廣其傳乞敘於李方赤與余以余兩人皆嘗典斯郡也其書大旨已詳四庫提要而間有譌誤處朱大令埒



識各條及文學跋中具載之無容贅詞余思金陵記載之書如江南野史江南別錄江表志江南餘載各種雖經收入四庫皆少單行本安得搜輯彙刊俾攷故實者有徵焉是則所更望於都人士者也第以簿書鞅掌不暇與文學互相攷訂而適當此書之刊成爰紀其緣起於簡端云

道光辛丑正月江安督糧使者前史官津門沈兆澐

### 六朝事迹編類序

左奉議郎充江南東路安撫司幹辦公事張敦頤養正撰

建康禹貢揚州之域斗牛分野在周為吳在春秋末為

越魯哀公二十二年自越之後一百四十年為楚周顯王三

十六年楚滅越自楚之後一百一十年為秦楚負芻三年為秦

也初楚威王因山立號置金陵邑或云以此有王氣因埋金以鎮之或云地

接金壇之陵故謂之金陵今石頭城是也及秦兼諸侯分天下為三十六郡

以金陵屬鄣郡故鄣為今吳興郡是也時望氣者云五百年後金

陵有天子氣始皇東巡乃鑿鍾阜斷長隴以通流改其

地為秣陵縣秦秣陵縣在今府城東南六里秣陵橋東北故城是也漢武帝元封



初廢鄣郡置丹陽郡而秣陵縣不改漢初置揚州治無定所輿地志云先理歷陽後理壽春其後又徙曲阿漢建安十六年孫權自京口徙治秣陵明年城石頭改秣陵爲建業晉太康初廢建業復爲秣陵愍帝諱業卽改爲建康元帝卽位以建康太守爲丹陽尹宋齊而下咸都於此焉隋平陳廢丹陽郡乃於石頭城置蔣州併秣陵建康同夏三縣入江寧縣唐武德二年爲揚州東南道行臺置尙書省輔公祏據江東七年平又改爲蔣州八年罷行臺稱揚州大都督府領上元金陵句容丹陽溧水等縣九年移揚州治江都改金陵爲白下縣屬潤

州正觀七年復爲揚州乾元元年改爲昇州上元二年廢光啟三年復仍以上元句容溧水溧陽四縣隸之置節度使天祐四年揚行密據其地十一年城昇州十四年城成爲金陵府僞吳天祚元年號曰齊國封李昇爲齊王以金陵爲西都以廣陵爲東都後又改江寧府昇僭位國號唐三主在位共三十九年皇朝開寶八年平之復爲昇州天禧二年復改江寧府建炎三年改建康府此金陵郡邑升降廢置之不常也余因覽圖經實錄疑所載六朝事迹尙有脫誤乃取吳志晉書及宋齊而下史傳與夫當時之碑記參訂而攷之分門編類綴爲篇目凡十



有四卷雖猥陋無益於治道然展卷則三百餘年興衰之迹若身履乎其間非徒得之傳聞而已同志之士盍補其所未備者而傳之紹興歲次庚辰八月新安張敦頤序

六朝事迹編類目錄

左奉議郎充江南東路安撫司幹辦公事張敦頤養正撰

總敘門第一

六朝興廢

六朝建都

六朝宮殿

六朝郊社

六朝郡國

六朝保守

形勢門第二

鍾阜

建康之東近北

石城

建康之西

朱雀航

建康之南

真武湖

建康之北

城闕門第三



越城

金城

冶城

臺城

琅琊郡城

建康縣城

同夏縣城

白下縣城

臨沂縣城

檀城

蔣州城

吳固城

石闕

朱雀門

白下門

丹陽門

樓臺門第四 亭館附

落星臺

烽火樓

入漢樓

景陽樓

周處臺 亦名子隱堂

衛玠臺

九日臺

雨花臺

梁昭明書臺

新亭

五馬亭

東冶亭

白下亭

翠微亭

賞心亭

三山亭

儒學館

湯泉館

儀賢堂

聽箏堂

被禊堂

蠶堂



三閣

馳道

層城觀 亦名穿  
鍼樓

齊雲觀

桂林苑

樂遊苑

上林苑

芳林苑

芳樂苑

翠微亭

江河門第五 溝渠溪井附

東窗亭

大江

秦淮

直瀆

橫塘臺

青溪

潮溝臺

霹靂溝

北渠

蟹浦

覆杯池

落义池

石池

邀笛步

太子湖

迎擔湖

蘇峻湖

半陽湖

絳巖湖

固城湖

丹陽湖

溧陽源

麾扇渡

五馬渡

桃葉渡

白鷺洲

長命洲

葛仙丹井

應潮井



景陽井 亦名胭脂井

藏冰井

山岡門第六

吳命殿

石碓山

天闕山

鳳臺山

覆舟山

幕府山

雞籠山

方山

攝山

東山

白山

湯山

大壯觀山

臨沂山

祈澤山

盧龍山

馬鞍山

大城山

望祭山

絳巖山

竹里山

濁山

東廬山

大巫山

小巫山

平陵山

鐵冶山

白土岡

白楊路

千佛嶺

謝安墩

桃花塢

方山埭

雞鳴埭

射雉場

絕地

鑄劍坑



宅舍門第七

孔子巷

言偃里

四學

諸葛恪宅

陸機宅

杜姥宅

劉子珪宅

沈約宅

朱异宅

孫場宅

江令宅

宋齊丘宅

烏衣巷

扶南樂署

乘黃署

銅螭署

錦署

紙官署

焚衣街

識記門第八

三斷石

石印

石室

潛鶴鼓

獨足臺

寶公銅牌記

秦淮石誌

天水碧

靈異門第九

新洲山

八功德水

郗氏化蛇

燕雀湖

生人葭

木醴



牝狙觸網

感龍產鯉

神仙門第十

白都山

茅君山

仙杏山

石城洞

華陽洞

仙人臺

靜壇

春澗

道士塢

華陽宮

鷲洞宮

洞元觀

青元觀

玉晨觀

太平觀

尋仙觀

太虛觀夫人觀

寺院門第十一

吳建初寺

鐵索寺

祈澤寺

棲霞禪寺

寶乘院亦名草堂寺

長干寺今名天禧寺

蔣山太平興國禪寺

大愛敬寺

明慶寺

法光寺今名鹿苑寺

同泰寺

法寶寺亦名城寺

寶林寺

普濟寺舊名頭陀寺

佛窟寺



聖湯延祥寺

景德寺

清涼廣惠禪寺

昇元寺

亦名瓦棺寺

淨妙寺

舊名齊安寺

能仁寺

半山寶寧禪寺

兜率寺

廟宇門第十與國禪寺

蔣帝廟

吳大帝廟

晉元帝廟

晉太忠正廟

晉謝將軍廟

晉陰山廟

菩提王廟

楚靳尚廟

梁祈澤夫人廟

青溪夫人廟

二判官廟

茅君白鶴廟

楚平王廟

荆將君廟

潘真君廟

興德王廟

炳靈公廟

五龍堂

張僕射廟

茅司徒廟

武烈帝廟

墳陵門第十三

吳大帝陵

吳步夫人陵

吳宣明太子墳

吳甘寧墓

吳葛仙翁墓

晉元帝陵



晉明帝陵墓 晉成帝陵

晉康帝陵于陵 晉穆帝陵

晉哀帝陵 晉簡文帝陵

晉孝武帝陵 晉安帝陵

晉恭帝陵 晉山簡墓

晉溫嶠夫人墓 晉郭璞墓

晉竺使君墓 宋武帝陵

宋文帝陵 宋文帝袁后陵

宋明宣沈太后陵 宋明帝陵

大司徒甄邯墓附 宋謝濤墓

宋謝濤夫人王氏墓

冥漠君墓附 齊明欽劉后陵

齊巴東獻武公墓 齊明僧紹墓

梁吳平忠侯墓 梁始興王墓

梁安成王墓公 梁臨川王墓

梁建安侯墓王 陳高祖陵

陳文帝陵帝 左伯桃墓

雙女墓司 南唐張懿公墓

南唐李順公墓大 南唐高越墓

碑刻門第十四



吳後主封禪碑  
紀功三段石碑

晉西平侯顏含大宗碑

晉西平侯顏府君碑

晉竺使君碑  
晉竺使君頌

宋謝濤夫人王氏墓誌

齊巴東獻武公碑  
梁始興王碑

梁安成王碑

梁永陽昭王墓誌銘

梁永陽敬太妃墓誌銘

梁臨川靖惠王神道石柱

梁吳平忠侯神道石柱

梁建安敏侯神道石柱

梁許真人壇碑陰刻華陽頌

陳江總棲霞寺碑  
陳宮井欄題刻

隋平陳碑  
唐明徵君碑

唐棲霞寺齊會記  
唐律大師碑

唐蔣山開善寺記

唐玉清觀四等碑

唐沈傳師齋疏及題名

唐王法主碑  
唐玄靖先生碑



唐遙傷孫尊師詩碑

唐韋君碑

唐下泊公記

唐白鶴廟記

唐正義女碑

偽吳銅鐘鑄文

偽吳釘石鑄文

南唐寶華宮碑

南唐請鐘記

南唐寶華宮功德什物記

南唐李順公碑

南唐張懿公碑

南唐蔣帝廟碑

南唐紫陽觀碑

南唐許真人井銘

南唐徐鉉題名

南唐宋齊丘鳳臺山詩

南唐夫人易氏墓誌額

南唐李後主祭悟空文德慶堂額

南唐開善寺井記

南唐義井欄刻

南唐棲霞寺僧用虛詩

景德棲霞寺殿記

景祐蔣廟碑

惠烈廟記

蔣廟篆祭文

道光泉記

八功德水記

蔣山寺莊田記

蕭帝寺記

子隱堂記

白雲菴記

寶禪師語錄序



潘元卓校官碑 漢碑附此

白雲菴碑

蕭帝寺碑

入江縣水碓

潘元卓校官碑

六朝事迹編類目錄終

六朝事迹編類卷之一

左奉議郎充江南東路安撫司幹辦公事張敦頤養正樓

總敘門

六朝興廢

吳

大帝 卽位在魏太和七年壬寅歲

權字仲謀姓孫氏吳郡富春人堅之次子兄策爲吳侯將死以事授之破曹操於赤壁襲關羽於荊州黃武元年四月卽位在位三十一年年七十葬蔣陵

年號



黃武 七 黃龍 三 嘉禾 六 赤烏 十三 大元 二

會稽王 即位在魏嘉平四年壬申歲

權少子諱亮字子明母潘氏權薨即位至太平三年謀  
誅大將軍孫綝不克綝黜亮為會稽王永安三年孫休  
鳩殺之在位七年年十八

年號

神鳳 二 五鳳 二 太平 三

景帝 即位在魏甘露三年戊寅歲

權第六子諱休字子烈母王氏亮廢綝迎休即帝位綝  
典禁兵欲謀反休因臘受賀縛而殺之永安七年七月

休薨在位七年年三十葬定陵

年號

永安 七

歸命侯 即位在魏咸熙元年甲申歲

權廢太子和之子諱皓字元宗母何氏休薨丞相濮陽  
興大將軍張布說太后朱氏迎皓即帝位皓既得志驕  
淫粗暴誅興布殺景后天紀四年晉遣王濬舟師至建  
業之石頭皓降之舉家西遷晉太康元年詔賜爵歸命  
侯越五年死在位十七年年四十三

年號



元興 一 甘露 一 寶鼎 三 建衡 三 鳳凰 三 天冊

天璽 一 天紀 五

右吳四主共六十二年

吳初都鄂後遷建業傳世四東據江南盡海置交龍

編今安南府 廣 理番禺 荆 理南郡 郢 理江夏 四州有郡四

十二以建平 歸州 西陵 陝州陸遜 樂郡 江陵松滋縣東 南郡 江陵

巴丘 岳州魯肅 夏口 鄂州 武昌 鄂州 皖城 舒州 濡須塢 和州

牛渚圻 宣州 為重鎮後得沔口邾城 黃州 廣陵自孫權破

曹操於赤壁之後時劉璋牧益州周瑜請於權曰乞

與奮威俱進取蜀而并張魯還與將軍據襄陽以賊

操北方可圖也

東晉 繼西晉

元帝

諱睿字景文姓司馬氏西晉宣帝懿之曾孫琅琊恭王

覲之子母恭王妃夏侯氏妃通小吏牛金生元帝故元

石圖有牛在馬後初嗣父位永嘉初用王導計鎮建業

西都不守承制改元稱王愍帝崩問至遂即位 元年金

德都建業帝性簡儉初拜貴人有司請市雀釵帝以煩

費不許所幸鄭夫人衣無文綵永昌元年崩在位六年

年四十七葬建平陵廟號中宗



年號

建武 一大興 四永昌 一

明帝

元帝長子諱紹字道畿母荀氏元帝貴人永昌元年閏

十一月即帝位

元年癸未

大寧二年王敦舉兵內向帝乘巴

滇多年切

駿馬微行觀敦營壘敦夢日環其城驚曰此必

鮮卑奴來帝狀類外氏鬚黃故云秋七月敦水陸五萬

至於南岸帝擊破之敦憤惋而死三年閏八月帝崩在

位三年年三十七葬武平陵

年號

大寧 三

成帝

明帝長子諱衍字世根母庾氏明帝崩帝即位年五歲

中書令庾亮輔政

元年丙戌

咸和三年蘇峻作亂遷帝於石

頭陶侃攻殺峻賊黨立峻弟逸為帥滕舍敗逸奉御於

溫嶠舟已而造新宮遷之咸康八年六月崩在位十七

年年二十二葬興平陵

年號

咸和 九咸康 八

康帝



成帝母弟諱岳字世同咸康八年六月卽位元年建元  
三年九月崩在位三年年二十三葬崇平陵

年號

建元 三

穆帝

康帝子諱聃字彭祖母褚氏康帝崩帝卽位年二歲褚

后臨朝

元年乙巳

升平五年崩在位十七年年十九葬永平

陵

年號

永和 十二 升平 五

哀帝

成帝長子諱丕字干齡所生母周氏穆帝崩帝卽位

元年

壬戌雅好黃老辟穀餌藥遂中毒不識萬幾興寧三年崩

在位四年年二十五葬安平陵

年號

隆和 一 興寧 三

廢帝

哀帝母弟諱奕字延齡哀帝崩無嗣皇太后迎帝卽位

元年丙寅

桓溫欲立威權憚帝守道誣以牀第廢爲東海王

又爲海西公安於屈辱太元十一年崩在位六年年四



十五葬安平陵

年號

太和六

簡文帝

元帝少子諱昱字道萬所生母鄭氏廢帝廢皇太后詔  
統皇極咸安元年十一月卽位元年二年崩年五十三  
葬高平陵

年號

咸安二

孝武帝

簡文帝第三子諱曜字昌明所生母李氏咸安二年卽

位元年帝溺於酒色長星見心甚惡之於華林園舉酒

曰長星勸汝一杯酒自古何嘗有萬歲天子邪初簡文

帝見讖云晉祚盡昌明及李太后有身夢禰人謂曰汝

生男宜字昌明及產東方始明因以為名簡文後悟乃

流涕時帝戲所寵張貴人以年幾三十當廢貴人潛怒

向夕帝醉遂暴崩在位二十四年年三十五葬隆平陵

年號

寧康三 太元二 昇平三 甘露四 隆安五 興寧六 太

安帝



孝武帝長子諱德宗字德宗所生母陳氏武帝淑媛太

元二十一年卽位元年元興三年桓靈寶逼帝西上後

復逼東下督護馮遷斬靈寶帝反正於江陵義熙十四

年十二月崩在位三十一年年七葬休平陵初讖

云昌明之後有二帝劉裕將為禪代密使王韶之縊帝

而立恭帝以應文帝云式敬也因以爲今簡文皇帝

年號元興隆安元興義熙元興

隆安元興義熙元興

恭帝元興安帝母弟諱德文安帝崩劉裕矯詔立帝元年元熙二

年六月禪位於裕裕以帝爲零陵王居秣陵二年裕使

人踰垣弑帝在位二年年三諡恭帝葬沖平陵

年號元熙

右東晉十一帝都建康其文百六年劉裕篡晉劉裕

劉聰既殺愍帝元帝卽位遷都建康號曰東晉傳世

凡十有一爰自永嘉南渡境宇殊狹禹貢九州之地

僅有其三元帝初命祖逖鎮雍上今東

蹙於是荆豫自淮北蔡潁青兗四州登萊密海及徐

州之半徐沂陷劉曜石勒以合肥今廬淮陰今楚壽

州之半徐沂等州

州之半徐沂等州

州之半徐沂等州



陽石季龍死後泗州今在泗州角城在泗州為重鎮成帝時

鄧守將退屯襄陽今穀城縣穆帝時平蜀漢擒李復梁益

之地又遣軍西伐入關至灞上討苻再北伐至洛

陽討慕容雋破其一至枋頭衛州所得郡縣軍旋又復

失洎苻堅東平慕容暉西南陷蜀漢西克姑臧州則

漢水長淮以北悉為堅有及堅敗再復梁益青徐兗

荆河內之地其後青兗陷於慕容德荆河司陷於姚

興以彭城為北境藩扞後梁益又陷於譙縱義熙每

因劉石苻姚衰亂之際則進兵屯成在於漢中襄陽

彭城然夫抵上明今江陵津陵夏口武昌合淝壽陽

淮陰常為晉氏鎮守義熙以後又復青兗司荆河梁  
益之地而政移於劉氏之宋矣

宋繼東晉

宋武帝

高祖武帝劉裕字德輿小字寄奴彭城人楚元王交二

十二世孫父翹郡功曹母穆氏元熙二年十二月晉恭

帝禪位帝表讓至再永初元年夏六月丁卯即位改元

元年都建康傳世凡八帝以儉德先天下碎虎魄枕施

直脚牀卻入筒布用葛燈籠三年五月己亥崩於西殿

在位三年年六十七葬蔣山初寧陵廟號高祖



年號

永初 三

少帝

武帝長子諱義符小字車兵母張夫人永初三年夏五月癸亥以皇太子即帝位元年景平二年夏五月己酉皇太后令暴其過惡廢為營陽王六月癸丑徐羨之弒帝於金昌亭在位二年年十九

年號

景平 二

文帝

武帝第三子諱義隆小字車兒母胡婕妤少帝廢徐羨之等迎立元嘉元年秋八月丁酉即帝位元年甲子三十年二月甲子為元凶太子劭所弒在位三十年年四十七葬長寧陵廟號太祖

年號

元嘉 三十

孝武帝

文帝第三子諱駿字休龍母路淑媛殺元凶劭自立元年甲元嘉三十年四月辛酉即皇帝位於新亭帝少機穎讀書七行俱下才藻甚美大明八年夏五月庚申崩在



位十一年年三十五葬秣陵巖山景寧陵廟號世祖

年號辛酉西昭皇帝立於滌亭帝少繼

文帝三孝建繼大明諡母祖妣效孫元凶帝自立

前廢帝

孝武帝長子諱子業字法師大明八年閏五月庚午以

皇太子即帝位元年甲辰帝自以昔在東宮時不為孝武所

禮及即位將掘景寧陵太史言於帝不利乃縱糞於陵

肆罵孝武為臚壯加切奴又發殷貴妃墓十月帝左右

壽寂之等謀廢帝懷刃入宮弑之乃崩於華光殿在位

五年年十七葬丹陽秣陵皇孫始興王即位帝諡少帝

年號

景和

正月乙未改永光

明帝

文帝第十一子諱彧字休景母沈婕妤泰始元年冬十

二月丙寅即帝位元年乙巳泰豫元年夏四月己亥崩於景

福殿在位八年年三十四泰豫元年五月戊寅葬臨沂

縣幕府山高寧陵廟號太宗

年號

泰始 泰豫

後廢帝



明帝長子名昱字德融母陳氏李道兒妾人呼為李氏

子明帝崩以皇太子即帝位元年孝武二十八子明帝

殺其十六餘皆帝殺之元徽五年七月七夕楊玉夫等

入瓊幄內弑帝於仁壽殿在位五年年十五葬秣陵

年號

元徽

順帝

明帝第三子諱準字仲謨蕭道成奉太后令迎立昇明

元年七月壬辰即帝位元年改元徽五年為昇明元年

三年四月壬辰禪位於齊齊封為汝陰王建元元年五

月己未弑之在位二年年十二葬於遂寧陵

年號

昇明

右劉宋八帝其六十年

宋武帝北平廣固慕容超廣固今青州西定梁益譙又克長安

姚盡得河南之地長安尋為赫連勃勃所陷至廢帝

景和中武牢以西復陷後魏今大較以孝武大明為

正凡二十有二州揚理建業今建康南徐理京口今潤州丹

徒徐理彭城今徐州南兗理廣陵今揚州兗理瑕丘今兗州

南豫理歷陽今和州豫理汝南今蔡州汝陽縣江理溇陽今江

州

州



青理臨淄

初理歷城復理廣固後又移理臨淄今青州縣

冀理歷城今濟州縣司

理義陽

今信陽荆理南郡今江陵府鄧理江夏今鄂州湘理臨

湘今潭州雍理襄陽

今襄州梁理南鄭今興元府秦亦理南

鄭益理成都今府寧理建寧今州姚廣理南海今廣州交理

龍編

今安南府越理臨漳今廉州郡凡二百三十八縣于百

七十九初文帝元嘉中遣將北伐水軍入河克魏碣

碣滑臺

今滑州武牢今河南洛陽今西京西城其後又失又

分軍北伐西軍克弘農關陝二城東軍攻滑臺不克

而平碣碣守之尋皆敗退於是後魏太武總師經彭

城臨江屯於瓜步

揚州退攻盱眙今楚州不拔而還明帝

時後魏又南侵失淮北青冀徐兗四州又豫州淮西

境悉陷沒則長淮為北境僑徐兗於淮南

淮陰立兗州鍾離今濠州立青冀二州寄理贛榆今海州其後

十餘年而滅亾然其初疆盛也南鄭襄陽垂瓠

今在蔡州形若瓠

垂故名彭城歷城東陽今青州皆為宋氏藩扞

南齊繼宋

高帝

蕭氏

諱道成

字紹伯

蘭陵人

漢蕭何三十一世孫

建元元年夏四月甲午

受宋禪即帝位於南郊元帝已未都建康

傳世凡七帝性簡儉後宮器物欄檻以銅為飾皆改用



鐵內殿施黃紗帳宮人著紫皮履華蓋除金華瓜用鐵  
回釘每日使我臨天下十年當使黃金與土同價四年  
三月壬戌崩於臨光殿在位四年年五十六葬於武進  
泰安陵廟號太祖

南齊年號

建元益清 永明益清 天監益清 永元益清 南齊年號

武帝益清 高帝益清 齊武帝益清 齊高帝益清

高帝長子諱蹟字宣遠建元四年五月辛戌以皇太子

即帝位元年明年正月辛亥改元永明帝性剛毅有斷

政總大體以富國為先頗喜遊宴雕綺之事言常恨之

未能頓遣永明十一年七月戊寅崩於延昌殿在位十

一年年五十四葬景安陵廟號世祖

年號

永明 十一

廢帝鬱林王

武帝孫文惠太子長子諱昭業字元尚小字法身永明

十一年戊寅武帝崩以皇太孫即帝位元年帝淫亂賞

賜左右動至百數十萬每見錢曰我昔思汝一箇不得

今日得用汝矣西昌侯鸞屢諫不聽帝欲誅鸞鸞使蕭

諶領兵入宮弒之在位一年年二十二



年號

隆昌

廢帝海陵王

文惠太子第二子諱昭文字季尚鬱林王廢延興元年秋七月丁酉即皇帝位時宣城王鸞輔政帝起居皆諮而後行十月辛亥皇太后使宣城王入纂帝統令廢帝為海陵王建武元年冬十一月鸞稱王有疾遣御師占視乃殞之在位四月年十五

年號

延興

明帝

始安貞王子諱鸞字景棲海陵王廢太后以帝纂統建

武元年十月辛亥即帝位

元年乙亥

永泰元年七月己酉帝

崩於正福殿在位五年年四十七葬興安陵

年號

建武

廢帝東昏侯

明帝第二子諱寶卷字智藏永泰元年七月己酉以皇

太子即帝位

元年己卯

帝惑於潘妃為神仙等殿極奢麗又

鑿金為蓮花以帖地令潘妃行其上曰此步步生蓮花



也永元三年秋七月蕭衍至南豫州帝閉宮門自守十  
二月王珍國張稷率兵入殿弒帝斬首送蕭衍在位三  
年年十九

年號

永元

和帝

明帝第八子諱寶融字智昭中興元年三月乙巳即皇  
帝位元年辛巳三年遜位於梁梁奉帝為巴陵王宮於姑熟  
四月戊辰殂追尊為和帝在位二年年十五葬恭安陵

年號

中興

右齊七帝共三十四年

南齊淮北之地所有絕少青州理胸山今海州縣冀理漣

北兗理淮陰今楚州北徐

又增置巴州理巴東今夔州其餘州郡悉

因前代州凡二百有三郡三百九十五縣千四百七

十其後頻為後魏所侵至東昏永元初河北諸郡

相繼敗沒今鄧州地又遣軍北伐敗於馬圈屯盆城今鄧州界

又失壽春後三年齊亡然其始全盛也南鄭今興元府樊

城今襄州臨漢縣襄陽今襄州義陽今信陽壽春今壽州淮陰今楚州



角城

今泗州臨淮縣東南

連口

今泗州連水縣北

胸山

今海州縣

悉為重鎮

梁繼齊

武帝

元

又

軍

北

外

又

蕭氏諱衍字叔達蘭陵人父為丹陽尹母韓氏中興二

年三月丙午禪位於梁天監元年夏四月丙寅帝以梁

王即帝位

元年

都建康傳世凡四帝生而有異光狀貌

殊特有文在手曰武帝初為兒時能蹈空而行及長博

學有文武才幹性溺於釋教郊廟牲牲皆代以麵宗廟

薦羞始用菽粟幸同泰寺鑄十萬斤銅像幸阿育王寺

設無礙法喜會設四部無遮會講金字三慧經三度捨

身羣臣以錢億萬贖帝請臨宸極三請乃許太清三年

五月丙辰侯景舉兵攻陷宮城帝憂懼寢疾崩於淨居

殿在位四十八年年八十六葬於修陵廟號高祖

年號

天監

十八

普通

七

大通

二

中大通

六

大同

中大同

一

太清

三

簡文帝

武帝第三子諱綱字世纘母貴妃穆氏太清三年五月

辛巳以皇太子即帝位

元年

大寶二年十月乙未侯景

逼帝幸西州使彭雋等進觴與帝極飲帝醉寢雋以土



囊歷之帝崩在位三年年四十九葬莊陵廟號太宗

辛巳年號元帝大寶二年十月未對景

先帝後三大寶元帝大寶二年十月未對景

元帝

武帝第七子諱繹字世誠母阮采女承聖元年三月王僧辯等平侯景傳首江陵十月丙午即帝位於江陵

元年王申先是魏使宇文仁恕來聘帝接遇有闕魏相安定

公憾之三年十一月魏軍至柵下大攻帝出枇杷門親

臨督戰兵敗見執十二月魏軍殺之帝在位三年年四

十七明年四月梁王方智承制追尊為元帝廟號世祖

葬頴寧陵

年號

承聖

敬帝

元帝第九子諱方智字惠相母夏貴妃承聖三年七月

辛丑王僧辯納貞陽侯蕭淵明自采石渡江入建業丙

午即偽位司空陳霸先殺王僧辯黜蕭淵明而奉帝紹

泰元年九月丙午即帝位元年太平二年十月遜位於

陳陳奉帝為江陰王薨於外邸在位三年年十六追謚

敬皇帝



漢皇帝年號

刺刺奉帝紹泰劍太平每代泗齊並三年十六歲

秦右梁四主共五十六年元魏太平二十二年十月

下梁氏州郡多沿舊制天監中有州二十有三郡三百

五十縣千二十有三其後更有析置大同中州一百

七郡縣亦稱此初武帝受禪數載即失漢川及淮西

之地

梁州刺史夏侯道降魏魏將元英屯義陽今申州

其後諸將頻年與魏

軍交戰於淮南淮北互有勝負雖得懸弧城俄而又

失又克壽春渦陽中大通初大舉北伐淮北城鎮相

率次克平直至洛陽暫為梁有其後諸將又復漢中自天

監一年失漢川凡至侯景東魏以河南地降逆亂相

尋有名無實及景平後江北之地悉陷高齊漢川蜀

沒於西魏

太清初侯景以十三年景又圖建康陷之承

聖初齊將辛術南伐盡得河南江北之地得傳國璽

反於齊三年西魏將達奚武陷漢川尉遲迥陷益州

其漢川經九年而復大抵雍州今襄州下澁戍今隋州棗陽縣夏

口今鄂州白苟堆今蔡州碓石城今潁州合肥鍾離淮陰

胸山為重鎮

陳繼梁武帝永安元年冬十月乙亥昭帝崩於南陵崇徽

陳氏諱霸先字興國吳興人帝所出甚微初仕鄉為里



司又為油庫吏後仕梁為陳王太平二年十月辛未梁

敬帝禪位永定元年冬十月乙亥即帝位於南郊崇燎

告天元年丁丑帝雄武多英略性甚仁愛初平侯景及立敬

帝子女玉帛皆班將士三年六月丙午崩於璿璣殿在

位三年年五十七葬萬安陵廟號高祖合號靈龜並

年號大正永定三

### 文帝

文帝

武帝兄始興昭烈王之長子諱禧字子華永定三年六

月丙午即皇帝位元年庚辰帝少沈敏有識量美容儀留意

經史武帝甚愛之常稱吾家英秀初起自布衣知百姓

疾苦每雞人伺漏傳籤於殿中者令投籤於堦石上鎗

然有聲云吾雖得眠亦令驚覺天康元年夏四月癸酉

崩於有覺殿在位七年年四十葬永寧陵廟號世祖

年號

天嘉 天康

### 廢帝

文帝長子諱伯宗字奉業母沈氏天康元年夏四月癸

酉以皇太子即帝位元年丁亥帝性仁弱刑政皆歸冢宰故

光大二年冬十一月甲寅宣太后令廢為臨海王太建



五年四月乙卯薨在位二年年十九

宣帝

始興昭烈王第二子諱頊字紹世小字師利太后既黜

宣帝

廢帝以帝入纘皇統元年己丑太建元年春正月甲午即帝

位十二年九月癸未夜天東南有聲如風水相激十四

年正月甲寅崩於宣福殿在位十四年年五十三葬顯

寧陵謚孝宣廟號高宗

九年號

後主

太建

後主

宣帝長子諱叔寶字元秀小字黃奴母柳氏太建十四

年正月丁巳以皇太子即帝位元年癸卯帝荒於酒色不恤

政事常使張麗華孔貴嬪等八人夾坐江總孔範等十

人預宴號為狎客是年秋自建業至荊州江水色赤如

血天外有如風水相激之聲帝設會捨身大赦天下禎

明三年正月隋將賀若弼韓擒虎進軍宮城帝逃於井

中以繩引之而出至京師見宥隋仁壽四年十一月壬

子終於洛陽在位七年年五十二贈大將軍封長城縣



公謚煬葬河南洛陽之芒山十二畝大祿軍挂其地

年號 西出至京 泗水 齊郡 壽 四 年 十一 月 壬

至德 泗 禎 明 臨 韓 魏 並 軍 宮 越 帝 繼 敘 共

右陳五主共三十五年 齊帝 齊會 齊良 大 越 天 不 蘇

陳氏都建康 傳世 凡五主 宇彌 蹙於梁 西不得蜀 漢

北失淮 淝以長江為境 文帝初 湘州之地為周軍所陷 後克平之 今鼎 溫 潭 衡 等

州之地 有州四十有二 地轉狹而 郡百有九 縣四百

三十有八 宣帝 太建 中 頻年北伐 諸將累捷 盡復淮

南之地 吳明徹 斬高 齊將於壽春 更經略淮 北大破齊軍於呂梁

及旋師 屬高齊 亾 又總軍北伐 至呂梁 周軍來拒 又

大破之 自太建五年北伐 七年破齊軍 九年又破周 將梁士彥 悉得其梁 淮 北 城 鎮 下 邳 胸 山

旋為周軍所敗 悉虜其眾 十年周將王軌 來伐 吳明 徹 退 師 全 軍 沒 於 清 口

自是江北之地 盡入於周 復以長江為界 十二年周 將以淮 西

地來降 又遣將 及隋軍來伐 遣將守 狼 尾 灘 今 峽 州 宜 都 縣

克新野 尋失之 界 公安 今 江 陵 是 荆 門 安 蜀 城 今 峽 州 宜 巴 陵 今 岳 巴

下並風靡 退散 信州道 大總管 楊素 自 峽 中 舟 師 東 下 陳 之 守 將 相 繼 而 破 信 州 卽 今 雲

安郡歸 隋軍自采石 隋將 韓擒 京 口 賀 若 弼 渡 江 而 襲 陷 之

平之 立六朝建都 其後又嘗 封 公安 又嘗 隋 瓦 昌 蓋 封 來

南朝建都之地 不過建康 京口 豫章 江陵 武昌 數處 其



六韜卷之六  
三

強弱利害前世論之詳矣吳孫策以會稽爲根本大帝  
嗣立稍遷京口其後又嘗住公安又嘗都武昌蓋往來  
其間因時制宜不得不爾及江南已定遂還建業保有  
荆揚而與魏蜀抗衡其宏規遠略晉宋而下不能易也  
故孫皓捨建業而之武昌吳因以衰梁元帝捨建業而  
守江陵梁遂以亾李嗣主捨建業而遷洪府南唐遂不  
能以立王導斷然折會稽豫章之論而以建業爲根本  
自晉而下三百年之基業導之力也故孫皓議遷都武  
昌陸凱上疏曰武昌土地危險非王都安國養民之處  
船泊則沈漂陵居則峻危童謠云寧飲建業水不食武

昌魚寧還建業死不止武昌居夫民謠本於天心乃以  
安居而比死足明天意而知民所苦也蘇峻亂宗廟宮  
室並爲煨燼溫嶠議遷豫章三吳之豪請都會稽二論  
紛紜未有所適王導曰古之金陵聖皇所居孫仲謀劉  
玄德皆言王者之宅古之帝王不以豐儉移都苟冠衛  
文大帛之冠何往不可若不績其麻樂土爲墟矣由是  
嶠等之議不行齊蕭穎胄議遷夏口柳忱以巴峽未賓  
不宜輕捨根本搖動人心帝不從俄而巴東之兵至峽  
口遷都之議遂息梁元帝臨荆峽二十年情所安戀不  
欲歸建業故府臣僚皆楚人並欲都江陵周洪正諫曰



士大夫言聖王所都本無定處若黔首未見入建業便謂猶列國諸王今日赴百姓心不可不歸建業南唐嗣主用唐鑄計遷豫章而王都官舍軍壘十不容其一二自公卿下至軍士莫不思歸自此論之六朝以來都邑之議莫不以建康爲根本也

### 六朝宮殿

吳孫權遷都建業徙武昌宮室材瓦繕治太初宮吳實錄有曰臺城蓋宮省之所寓也有曰東府蓋宰相之所居也有曰西州蓋諸王之所宅也有曰倉城蓋儲蓄之所在也宮室記云皆不出都城之內輿地志云都城周

二十里一十九步本吳宮舊址蓋謂是也晉琅琊王渡江鎮建康因吳舊都修而居之卽太初宮爲府舍及卽帝位稱爲建業宮更明帝不改至成帝繕苑城作新宮窮極伎巧侈靡殆甚宋齊而下因之稱爲建康宮以此攷之六代宮室門牆雖時有改築然皆因吳舊址晉新宮在吳太初宮之東吳昭明宮孫皓所起在晉建康宮城西南惟元帝建業宮乃仍吳太初宮之舊今行宮之東北乃其地也

### 太初宮

建康實錄吳孫權黃武中徙武昌棟瓦而起卽長沙王



孫策故府在晉建康宮城西南卽臺城之西南也

### 建康宮

建康實錄晉成帝咸和七年新宮成名曰建康宮亦名顯陽宮注云卽今之所謂臺城也輿地志云在法寶寺之南今在府北五里

### 新宮

晉謝安作新宮造太極殿欠一梁忽有梅木流至石頭城下因取為梁殿成乃畫梅花於其上以表嘉瑞楊修之有詩云玉案金鑪對御牀巋然應是魯靈光螭頭直上雙魚尾不讓西京舊柏梁

未央宮長樂宮建章宮長楊宮

南史宋前廢帝景和元年以東府城為未央宮以石頭城為長樂宮以北邸為建章宮南第為長楊宮東府城在古青溪橋東

### 靈和殿

齊武帝時殿下柳木蜀郡所獻條如絲縷帝曰此柳風流可愛似張緒少年時緒字思曼在臺城內楊修之有詩曰得地恩深雨露偏丹墀左右玉堦前君王屬意君知否好似風流一少年

輿地金華宮大同中梁朝即太子



輿地志云梁大同中所築昭明太子蔡妃所居在青溪  
東否世以風流一少

揚修之金陵詩注云在臺城後宮庾子山詩云宜春苑  
中春已歸披香殿裏作春衣蓋指此也

### 六朝郊社

終吳之世未暇禮文宗廟社稷不見於史晉初置宗廟  
在吳都城宣陽門外輿地志云在縣東二里圖經云大  
社大稷壇在縣一里宋齊而下時有改易晉元帝二年  
作南郊在宮城南十五里郭璞卜立之輿地志云在今

縣城東南十八里圖經云古南郊壇在縣南十八里成  
帝作北郊壇於覆舟山之陽制度一如南郊實錄云北  
郊壇在縣東八里潮溝後東近青溪又按通典宋孝武  
帝大明三年移北郊於鍾山北原道西今鍾山定林寺  
山顛有平基二所闊數十丈乃其地也南唐郊壇在長  
樂鄉去縣十二里遺址尙存今爲藏冰之所

### 六朝郡國

三國鼎立之後土宇分裂得失不常魏武定西朔所置  
郡國十二新興樂平西平新平略陽帶方而省者七上  
新樂陵章武南鄉陰平襄陽  
朔方五原雲中朝歌陽平弋陽魏文帝置七明帝及少  
定襄漁陽廬江興新城義陽安豐



帝增二上庸得漢郡者五十四焉蜀先主於漢建安之

間初置郡九巴東巴西梓潼江陽汝後主增二雲南得

漢郡者十有一焉吳大帝初置郡五臨賀珠崖武少帝

景帝各四臨川臨海衡陽天門歸命侯亦置十有二郡

始安始興邵陵九德吳興東陽得漢郡者十有八焉晉

武帝太康元年既平孫氏凡增置郡國二十有三滎陽

上洛臨淮東莞襄城汝陰長廣廣寧昌黎新野隨郡陰

省司隸置司州別立梁秦寧平四州仍吳之廣州凡十

九司豫冀兗荆徐揚青幽平郡國一百七十三仍吳所

五仍蜀所置十一仍魏所置二惠帝不君中州盡棄永

嘉南渡建業今建開基九州之地有二焉自茲以降國

分南北更王迭霸疆理不常宋至孝武大明中州凡二

十有二郡二百三十有八縣千一百七十有九南齊繼

統又置巴東一郡餘竝因之為州二十有三郡三百九

十五縣千四百七十有四頻與元魏侵吞互相得失蕭

梁之時多沿舊制天監中有州二十有三郡三百五十

縣千二十有二其後更有析置大同中州百有七郡縣

亦稱於此陳氏較之土宇彌蹙西不得蜀漢北失淮淝

而以長江為境有州四十有二是其地愈狹立名益多

為郡百有九縣四百三十有八此皆疆宇之列乎南者



也。晉蔡謨曰：時有否泰，道有屈伸。暴逆之寇雖終滅，凶方其強盛，皆當詘而避之，要終歸於大濟而已。爲今之計，莫若養威以俟。時王羲之曰：以區區江左營綜如此，天下寒心久矣。中興之業，政以道勝，寬和爲本，力爭武功，非所當作。二人者能言之而不得行之，行之而足以安江南者，孫權一人耳。陸瑁嘗勸權曰：九域盤互之時，率須深根固本，愛力惜費。陸遜嘗勸權曰：施德緩刑，寬賦息調，權報之曰：發調者蓋謂天下未定，事以衆濟。若徒

守江東，修崇寬政，兵自足用，何以多爲？顧坐自守，可陋耳。以此知權之志未嘗不在於天下。然以傳攷之，亦未嘗求逞於中國。曹公來侵，則破之；拒之而已。治艦立塢，築隄遏湖，作涂塘，明烽燧，始終所以備魏者至矣。及移牋於曹公曰：足下不死，孤不得安；則權固未嘗得志也。嘉禾中，因蜀寇魏一攻淮南，聞明帝東行，則遽斂避。諸將之攻樊城，司馬懿救之，亦引軍亟退。自後世觀之，謂之怯可也。而權不以爲恥，豈非天下之勢旣未有可投之隙，與其力爭而取敗，不若退守而待時也？耶史稱權繼父兄之業，有臣以爲腹心，股肱爪牙，兵不妄動，故戰



少敗而江南安此權之所以爲智也及嗣主立諸葛恪爲政首侵邊以怒敵東興之戰幸捷顧不能持勝復違衆大舉一敗塗地恪旣喪軀而孫氏之業因以衰焉則權之兵不妄動利害果何如也其後孫皓用諸將計數侵盜晉鄙陸抗曰苟無其時雖復大聖亦宜養威自保不可輕動今不務力農富國審官任能明黜陟慎刑罰訓諸司以德拊百姓以仁而聽諸將狗名窮兵黷武動費萬計士卒凋弊寇不爲衰而我已大病矣夫爭帝王之資而昧十百之利此人臣之姦謀非國家之良策也抗之言兼有陸瑁陸遜蔡謨王羲之之論而皓不之用

此其所以凶也東晉自庾亮經營征伐皆不能有成謝安父子乘苻堅傾敗之餘圖之如恐不及也至於渡河入鄴訖無尺寸之得宋文自以富強詰戎兵於元魏檀道濟再行無功諸將皆相繼以敗而胡馬遂至瓜步梁武遭魏氏之亂陳慶之以數千兵入洛而嵩高之襲幾至殲盡及貪河南之地納叛將棄睦鄰而身國顛覆陳宣帝闢土宇於北齊旋失淮泗於後周雖以桓溫劉裕非常之才度越歷代諸將而溫伐苻犍慕容暉皆幾成而敗裕平南燕滅姚秦亦旣得而失則六朝用兵攻伐之策可見矣



六朝事跡編類卷之二

六朝事跡編類卷之一終

猶從兩子仲夏正元  
張問園氏重刊宋本

六朝事跡編類卷之二

左奉議郎充江南東路安撫司幹辦公事張敦頤養正撰

形勢門

鍾阜

建康之東餘見寺苑門蔣山寺

圖經云在縣東北周回六十里高一百六十八丈東連  
青龍山西臨青溪南自鍾浦下入秦淮北接雉亭山漢  
末有秣陵尉蔣子文逐盜死於鍾山吳大帝為立廟封  
曰蔣侯吳錄云大帝祖諱鍾因改名曰蔣山按丹陽記  
云京師南北竝連山嶺而蔣山峇嶷異其形象龍實  
作揚都之鎮諸葛亮嘗至京觀秣陵山阜云鍾山龍盤



蓋謂此也又按輿地志云鍾山本少林木宋時使諸州  
刺史罷職還者栽松三千株下至郡守各有差焉山之  
最高峯地有五願樹樹柞木也宋元嘉中百姓祈禱率  
有應驗寰宇記云自梁以前立寺七十所今存者六又  
按南史宋散騎常侍劉劬經始鍾嶺之南以爲栖息聚  
石蓄水朝士雅素者多從之遊又雷次宗元嘉中開館  
雞籠山文帝爲築室於鍾山西巖下謂之招隱館至齊  
周顒亦於鍾山西立隱舍休沐則歸後顒出爲海鹽令  
孔稚圭作北山移文以譏之舊經云晉謝尚齊朱應吳  
苞孔嗣之梁阮孝緒劉孝標竝隱於此唐大厯中處士

韋渠牟亦隱此山號遺名子顏真卿題其所隱之堂曰  
遺名先生三教會宗堂又陳後主與張機遊是山嘗以  
松枝代麈尾故梅摯詩有手松麈尾之句又按文選沈  
休文鍾山應教詩云靈山紀地德險峭資岳靈又云勢  
隨九疑高氣與三山壯蓋美之也荆公絕句云偶向松  
關覓舊題野人休誦北山移丈夫出處非無意猿鶴從  
來自不知又一絕云澗水無聲遶竹流竹間花影弄春  
柔茅檐相對坐終日一鳥不鳴山更幽又一絕云終日  
看山不厭山買山終待老山間山花落盡山長在山水  
空流山自閒今屬惟政鄉去縣十里



石城

建康之西

劉宋去總十里

吳孫權沿淮立柵又於江岸必爭之地築城名曰石頭常以腹心大臣鎮守之今石城故基乃楊行密稍遷近南夾淮帶江以盡地利其形勢與長干山連接輿地志云環七里一百步在縣西五里去臺城九里南抵秦淮口今清涼寺之西是也諸葛亮論金陵地形云鍾阜龍盤石頭虎踞真帝王之宅正謂此也及晉伐吳王濬以舟師沿江而下自三山抵石頭劉夢得金陵懷古曰王濬樓船下益州金陵王氣黯然收千尋鐵索沈江底一片降幡出石頭荒苑至今生蕨草古城依舊枕寒流而

今四海歸皇化兩岸蕭蕭蘆荻秋宋順帝昇明元年以司徒袁粲出鎮於此由晉以來常爲戰守之地左太沖吳都賦云戎車盈於石頭蓋謂此也宋大明中以其地爲離宮及齊武帝爲世子卽以爲世子宮城之東有巨石俗呼爲塘岡乃王敦害周伯仁戴若思之處按建康實錄晉元帝永昌元年敦收周顛戴淵殺於石頭城東塘頽石上百姓冤之至今紀其處至陳宣帝大建二年其城復加修築以貯軍食後主禎明元年徐孝克爲都官尙書性清素常以石頭津稅給之唐武后光宅中徐敬業舉兵使其徒崔洪渡江修石頭以拒之敬業平分



軍三百人守之尋置為鎮仍徙縣倉以實之故唐書地理志云具州有石頭鎮中宗神龍二年廢鎮即移倉於冶城德宗時浙江觀察使韓滉迺於石頭築五城今遺址尚在江南野史汪台符上書陳民間九患為宋齊王所沮後齊丘使人夜縛其口沈石城下先生聞而歎之江淹侍始安王石頭城詩曰開局遶天邑襟帶抱尊華何遜登石頭詩曰天暮遠山青潮去邊沙出皆謂此也

朱雀航 晉咸康二年作朱雀門新立朱雀浮航在縣城東南四里對朱雀門南渡淮水亦名朱雀橋輿地志云吳南津

大航橋也王敦作亂溫嶠燒絕至是始用杜預河橋法作之地志云朱雀門孔對吳都城宣陽門相去六里為御道夾御溝植柳自朱雀門南渡出國門羅鄴金陵野步望宮柳詩云色承陽氣暖陰帶御溝清里俗相傳今桐樹灣相對浮橋即其地也

真武湖

按建康實錄吳後主皓寶鼎元年開城北渠引後湖水流入新宮巡遶殿堂窮極伎巧至晉元帝始創為北湖故實錄云元帝太興三年創北湖築長隄以遏北山之水東至覆舟山西至宣武城又按南史宋文帝元嘉二



十三年築北隄立真武湖於樂遊苑之北湖中亭臺四  
 所後黑龍見於湖側春秋使道士禱之至孝武大明五  
 年常閱武於湖西七年又於此湖大閱水軍按輿地志  
 云齊武帝亦常理水軍於此號曰昆明池故沈約登覆  
 舟山詩南瞻儲胥館北眺昆明池蓋謂此也又於湖側  
 作大竇通水入華林園天淵池引殿內諸溝經太極殿  
 由東西掖門下注城南塹故臺中諸溝水常縈流迴轉  
 不舍晝夜又按南史元嘉二十三年造真武湖文帝欲  
 於湖中立方丈蓬萊瀛洲三神山尚書右僕射何尚之  
 固諫乃止今圖經云湖中有蓬萊方丈瀛洲三神山不  
 知何所據也本朝天禧四年改為放生池其後廢湖為  
 田中開十字河立四斗門以洩湖水跨河為橋以通往  
 來今城北十三里有古池俗呼為後湖見作大軍教場  
 處是也

六朝事迹編類卷之二終

道從兩中受正元  
 張問國氏重初末本







建康實錄金城吳築晉桓溫咸康七年出鎮江乘之金城後溫北伐經金城見爲琅琊時所種柳皆十圍因歎曰木猶如此人何以堪因攀枝執條泣然流涕楊修之金城詩亦引此爲據又按古圖經晉中宗於金城立琅琊郡溫嘗爲琅琊內史至咸康七年出鎮金城前云琅琊蓋指此也今去府城三十五里

### 冶城

今天慶觀卽其地也本吳冶鑄之所因以爲名寰宇記晉元帝大興初以王導疾久方士戴洋云君本命在申而申地有冶金火相爍不利遂移冶城於石頭城東以

其地爲園徐廣晉記云成帝適司徒府觀冶城園卽此也

### 臺城

建康實錄晉成帝咸和七年新宮成名建康宮注卽今之所謂臺城也在縣東北五里周回八里又按輿地志云同泰寺南與臺城隔路今法寶寺及圓寂寺卽古同泰寺之基故法寶寺亦名臺城院以此考之法寶圓寂二寺之南蓋古臺城地也今之基址尙在元和初陸喬家於丹陽一夕有叩門者曰我沈約也呼左右召青箱來俄一兒至約指謂曰此吾子也近從吾過臺城命爲



感舊詩因諷曰六代舊山川興亡幾百年繁華今寂寞  
朝市昔喧闐夜月瑠璃水春風卯色天傷時與懷古垂  
淚國門前楊修之有詩云六朝遺跡好山川宮闕灰寒  
草樹煙江命白頭歸故國多情合賦黍離篇去寶圖錄  
云同琅琊郡城臺地淵淵今去寶寺又圓寂寺同古同  
寰宇記云晉元帝過江爲琅琊國內立也其城在江乘  
縣界王隱晉書及山謙之南徐州記云江乘南岸蒲州  
岸有琅琊城其地立琅琊內史以治之圖經云在縣東  
北六十三里今句容縣有琅琊鄉亦其地也又按寰宇  
記齊武帝永明六年移琅琊郡於白下在縣北十八里

圖經直以蒲州津城爲白下非也又按南史武帝永明  
六年於琅琊城講武習水步軍九年又幸其城講武觀  
者傾都梁徐欽業登琅琊城詩曰表裏窮形勝襟帶盡  
巖巒登陴起遐望回首見長安劉白下禁斷州玉照  
建康縣城  
吳冶城東今天慶觀東是其地寰宇記云在縣西廿里  
晉太康三年分淮水北爲建康縣止元之地居多金刻  
建康縣城  
南史梁武帝以宋孝武大明元年生於秣陵縣同夏里

主橋宅及卽位夫同元年分同夏縣寰宇記云在城東



十五里其地在長樂鄉平谷同夏縣界寧遠云在城東  
南史白下縣城宋孝武大開武平坐飲林樹縣同夏里

按圖經及寰宇記引輿地志云本江乘之白石壘也齊  
武帝以其地帶江山移琅琊居之唐武德元年罷金陵  
縣築城於此因其舊名曰白下正觀七年復舊治此地  
遂廢今攷唐書地理志云武德三年更江寧縣曰歸化  
八年更歸化曰金陵九年更金陵曰白下隸潤州正觀  
九年復更白下曰江寧前說興廢未末與此不同宜以  
唐史為正又按南史齊武帝欲修白下城難於動役劉  
係宗啟謫役在東民丁隨唐寓之為逆者上從之後武

帝講武白下履行其地曰係宗為國家得此一城圖經  
云在西北十四里今靖安鎮北有白下城故基父老傳  
云即此地也屬金陵鄉去府城十八里

臨沂縣城

按輿地志云晉成帝咸康三年分江乘縣置臨沂縣屬  
琅琊郡陳亾遂廢在府城北三十里

檀城

輿地志云本謝玄之別墅太傅謝安與玄奕棋所勝者  
至宋屬檀道濟故名檀城圖經云在縣東八里今按建  
康實錄在墅城東八里非去縣八里也地圖謂之城子



聖今清風鄉有城子聖在黃城橋之西卽其地去府城四十里

### 蔣州城

杜佑通典隋平陳於石城置蔣州寰宇記輔公祐據江東用爲揚州唐趙郡王孝恭平公祐又於其城置揚州大都督後徙揚州於廣陵此城遂廢

### 吳固城

圖經云在溧水縣西南九十里高一丈五尺羅城周回七里二百三十步子城一百一里九十步勝公廟記吳時瀨渚縣也楚靈王與吳戰吳兵不利遂陷此城吳乃

移瀨渚於溧陽南十里改爲陵平縣靈王崩平王立使蘇迺爲將戰於吳吳軍敗收吳陵平縣改爲平陵縣自平王聽費無忌佞言伍員奔吳闔閭用爲將舉兵破楚奔南海固城宮殿逾月煙焰不滅其城遂廢

### 石闕

縣北五里有四石闕在臺城之門南高五丈廣三丈六寸梁武帝所造及成命朝士銘之時陸倕字佐公其文甚佳士流推伏侯景作亂焚燒宗廟城郭府寺百無一存尋高麗百濟等國入貢見其凋殘遂哭於闕下楊修之有詩云雙石巍巍慰眼青滿朝珍重佐公銘宮城府



寺俱灰燼翻使夷人謾涕零

### 朱雀門

晉都城南門也按晉書新宮立三門於南面正中曰宣陽與朱雀門相對王導嘗出宣陽門望牛首山兩峯相向導指爲天闕牛首山在今城南門近東面勢正與桐樹灣相對以此地攷之在今上元南廂也

### 白下門

兩漢地理志未有白下縣按南史宋明帝時聞人謂宣陽門爲白門以爲不祥甚諱之右丞江謚誤犯帝變色曰白汝家門按唐會要及地理志武德二年更江寧曰

歸化八年又更歸化曰金陵九年更金陵曰白下正觀九年又更白下曰江寧則白下縣始於此然未知其得名之因一說謂春秋時楚使子木之子勝處吳邑爲白公攷金陵吳邑也恐白之得名自此始一說謂本江乘縣之白石壘以其地帶江山之勝故爲城於此曰白下城東門謂之白下正其往路也一說謂齊武帝時已閱武於白下自唐武德以後因之也荆公東門詩有東門白下亭之句參寥訪荆公詩曰苦嫌榮祿早收身歸與漁樵共隱淪白下門西山迤邐興來長是岸烏巾徐師川詩曰廣陵纔過又金陵白社還思白下亭鴈翅水連



千里浪蛾眉山出兩峯青正謂此也

丹陽門

丹陽丹楊丹徒各自有義按前漢志秦鄣郡乃漢丹陽郡武帝二年更名也九域志引江南地志云漢丹陽郡北有赭山丹赤故因名曰丹陽至東晉始以丹楊為義按地理志建業秣陵丹楊句容溧陽江寧皆隸丹楊郡屬揚州所統注云丹楊山多赤柳在郡西故曰丹楊丹徒春秋時謂之朱方按建康實錄孫權鎮京口注曰秦始皇發赭衣刑徒伐山開道故名邑曰丹徒

赭衣刑徒伐山開道故名邑曰丹徒



六朝事迹編類卷之四

六朝事迹編類卷之四

左奉議郎充江南東路安撫司幹辦公事張敦頤養正撰

樓臺門

亭館附

落星樓

圖經云在縣東北臨沂縣前吳大帝時山上置三層樓樓高故以此為名左太冲吳都賦云饗戎旅乎落星之樓是也今石步相去一里半有落星墩里俗相傳即當時建樓處今去城四十里

蠶夷烽火樓

圖經云在石頭城西南最高處楊修之詩注云沿江築



臺以舉烽燧自建康至江陵五千七百里有警半日而達按南史宋文帝元嘉二十七年魏太武至瓜步聲欲渡江始議北侵朝士多有不同至是帝登烽火樓極望不悅謂江湛曰北伐之計同議者少今日貽大夫之憂在予過矣又齊武帝登烽火樓詔羣臣賦詩蕭穎胄詩合旨帝謂穎胄曰宗室便不乏才

入漢樓

東晉書云義熙八年於石頭城東起入漢樓在城西門外

景陽樓

輿地志云宋元嘉二十二年築至孝武大明中紫雲出景陽樓因名之今法寶寺西南遺址尙存

周處臺

府雉東南有故臺基曰周處臺今鹿苑寺之後梅摯記云按西晉史處字子隱義興陽羨人弱冠時好馳騁不修細行州曲患之自知爲衆所惡慨然有改勵之志里人以三害切諷於是射虎斬蛟往見陸雲具以誠告雲曰古人學道貴朝聞夕死君前途尙可第患志之不立何憂名之不彰遂退而嚮學有文言必信行必謹如是期年州府交辟仕吳爲東觀左丞吳平入洛界遷郡太



守率有善狀拜御史中丞凡所糾劾不避權貴卒樹功名沒世遠耀噫天地至大根一氣陶萬化未始無過陰陽寒暑小有繆戾則從而改之卒歸大化而況於人乎古聖賢本天地之性以修其性亦未嘗諱過後之人不獨諱之而已抑又從而文之自底悔尤良可嗟惜惟子隱少而不逞長乃自悟一旦幡然去惡卽善遂爲名世忠賢可不重乎則中人所稟因物染遷爲時註誤德有小眚言有小疵未甚子隱之害於而鄉又何憚改爲哉予因表是臺新是堂非止卜高明之居包遊覽之勝而與民同樂亦將有激時世云

### 衛玠臺

晉書云玠字叔寶初字豫章南辭王敦歸建業都人聞其姿容觀者如堵尋以疾終年二十七時人謂之看殺葬江寧楊修之有詩云年少才非洗馬才珠光碎後玉光埋江南第一風流者無復羊車過舊街其臺傳在城南十里

### 九日臺

南史齊武帝永明四年四月作商飈館於孫陵岡世呼爲九日臺十道四番志云武帝九月九日以宴羣臣孫陵岡卽吳大帝蔣陵今在鍾山鄉蔣廟之西南俗呼爲



松陵岡去縣十二里楊修之有詩云甲光如水戟如霜  
御酒杯浮菊半黃東日西風滿天仗簫韶一部奏清商

### 雨花臺

梁武帝時有雲光法師講經於此感得天雨賜花天廚  
獻食荆公有詩云盤互長干有絕陁并包佳麗入江亭  
新霜浦澈縣縣靜薄晚林巒往往青楊無爲有詩云空  
書來震旦康樂造淵微貝葉深山譯曼花半夜飛香清  
雖透筆藥散不霑衣舊社白蓮老遠公應望歸

### 梁昭明書臺

舊傳梁昭明太子著書於此今遺址尙存蔣山定林寺

### 後山北高峯上

### 新亭

晉初元帝渡江僕射周顛與羣臣遊宴坐中歎云雖風  
土不殊舉目有江山之異因而流涕王導曰諸公當須  
戮力中原以壯王室何爲作楚囚悲邪衆皆肅然整容  
宋孝武卽位於新亭僕射王僧達改爲中興亭去城西  
南十五里俯近江渚楊修之有詩云滿目江山異洛陽  
北人懷土淚千行不如亾國中書令歸老新亭是故鄉

### 五馬亭

晉元帝與彭城王玄西陽王羨南頓王宗汝南王宏南



渡之後當時讖云五馬浮渡江一馬化爲龍謂此也亭  
今廢其地屬金陵鄉去城西二十五里幕府山之側

### 東冶亭

晉太元中於汝南灣東南置亭爲士大夫餞送之所楊  
修之有詩曰忍淚相看酒共持一生心事幾人知年年  
折盡東亭柳此別絲絲無盡期舊傳在縣東八里

### 白下亭

李白金陵白下亭留別詩云驛亭三楊樹正當白下門  
王荆公有詩云東門白下亭摧壁蔓寒葩則亭在東門  
明矣荆公舊宅在今報寧寺故基其詩有門前秋水可

揚舫有意西尋白下亭之句今廢矣

### 翠微亭

在城西五里清涼寺山頂南唐時建林逋有詩云亭在  
江干寺清涼更翠微陳軒金陵詩集注云清涼寺翠微  
亭最爲佳處

### 賞心亭

丁晉公謂所建也公以家藏袁安臥雪圖張於其屏乃  
唐周昉筆經十四太守無敢覬覦者後爲一太守以凡  
筆畫蘆雁易之王琪密學來作守登臨賦詩曰千里秦  
淮在玉壺江山清麗壯吳都昔人已化遼天鶴舊畫難



尋臥雪圖冉冉流年去京國蕭蕭華髮老江湖殘蟬不  
會登臨意又噪西風入坐隅荆公有詩云檻折簷傾野  
水傍臺城佳氣已消亾難披草莽尋千古獨倚青冥望  
八荒坐覺塵沙昏遠眼忽看風雨破驕陽扁舟此日東  
南興欲望江流萬里長又詩云霸氣消磨不復存舊朝  
臺殿只空邨孤城倚薄青天近細雨侵尋白日昏稍覺  
野雲成晚霽卻疑山月是朝暎此時江海無窮興醒客  
無言醉客喧

### 三山亭

在城西五里清涼寺石頭城之西面對三山其地屬金

陵鄉

儒學館

南史宋文帝元嘉十五年立儒學館於北郊命雷次宗  
居之卽今覆舟山之南也

湯泉館

徐鉉有湯泉舊館詩今遺基尙存在神泉鄉湯山之下  
儀賢堂

建康實錄吳時造號爲中堂楊修之詩注云在臺城內  
梁武帝謙恭待士大通中有四人來年七十餘鶉衣躡  
履行丐經年無人知者帝召入儀賢堂給湯沐解御服



六朝事跡類編卷四  
賜之帝問三教九流及漢書事了如目前帝心異之舉  
朝無識者惟昭明太子識而禮重之四人喜揖昭明如  
舊交時目之爲四公子楊修之有詩云兩兩鶉衣白髮  
翁講筵談柄坐生風昭明太子歡相得應與商山四皓  
同

### 聽箏堂

晉孝武帝幸謝安宅命讌安侍坐使桓伊吹笛爲一弄  
畢又撫箏按徽金滕曲聲節慷慨俯仰可觀安淚下霑  
襟乃越席將其鬚曰使君於此不凡帝甚有媿色此堂  
基至今樵采者不敢近楊修之詩云鴈柱鸞絃十有三

南山安石位巖巖逡巡奏罷金滕曲堂上霑襟歎不凡  
祓禊堂

楊修之金陵詩注云在縣北五里臺城內天淵池架石  
引水爲流杯之所六朝上巳日宴錫公卿於此輿地志  
云宋元嘉二十二年鑿天淵池造景陽樓今法寶寺之  
南有景陽樓古基側有池舊傳卽天淵池歲久湮沒今  
不復有堂矣

### 蠶堂

隸縣北七里耆闍寺前沙市中六朝皇后親蠶之所也  
楊修之詩云摘繭抽絲女在機茅簷葦箔舊堂扉年年



六朝事跡類編卷四  
七  
桑柘如雲綠翻織誰家錦地衣

慧琳三閣

里香閣寺前也

唐書卷一百一十五

陳後主至德二年於光昭殿前起臨春結綺望仙三閣高數十丈並數十間其窗牖戶壁欄檻之類皆以沈檀爲之又飾以金玉間以珠翠外施朱簾內設寶帳其服玩之屬瑰麗皆近古所未有每微風至香聞數里朝日初照光映後庭其下積石爲山引水爲池植以奇樹雜以花藥後主自居臨春閣張麗華居結綺閣麗華本兵家女以織業龔孔二貴妃居望仙閣並複道交相往來以宮人有文學者袁大捨等爲女學士後主每引賓客江總等

對貴妃遊宴則使諸貴人及女學士與狎客賦詩互相贈答采其尤豔麗者以爲詞被以新聲采宮女有容色者千百數習而歌之分部迭進持以相樂其曲有玉樹後庭花臨春樂等麗華聰慧有神采嘗於閣上靚妝臨於軒檻宮中遙望飄若神仙才辯強記善候人顏色薦諸宮女後宮咸德之又工厭魅之術假鬼道以惑後主置淫祀於宮中聚諸女巫使之鼓舞時後主怠於政事百官啟奏並因宦者蔡臨兒李善度進請後主每置張麗華於膝上共決之大臣有不從者因而譖之言無不聽於是張孔之權熏灼四方内外交結貨賄公行賞罰



無常綱紀贅亂矣及隋軍克臺城三妃與後主俱入井  
隋軍出之晉王廣命斬之於青溪柵下北史高頴傳隋  
平陳晉王廣欲納張麗華頴曰武王伐紂戮妲己今陳  
平不宜取麗華乃命斬之當以北史爲正

### 馳道

宋孝武帝作馳道自閶闔北出承明抵真武湖十餘里  
爲調馬之所也楊修之有詩云路平如砥直如絃官柳  
千株拂翠煙玉勒金羈天下駿急於奔電更揮鞭

### 層城觀

一名穿鍼樓

輿地志云齊武帝七月七日使宮人集此是夕穿鍼以

爲乞巧之所亦曰穿鍼樓在臺城內楊修之有詩云秋  
星如彈月如梳宮妓香添乞巧鑪萬縷千鍼同一意眼  
穿腸斷得知無

### 齊雲觀

陳後主禎明二年建在臺城內國人歌曰齊雲觀寇來  
無際畔楊修之詩云上界笙歌下界聞縷金羅袖鬱金  
裙倚欄紅粉如花面不見巫山空暮雲

### 桂林苑

寰宇記云桂林苑在縣北落星山之陽左太沖吳都賦  
云數軍實乎桂林之苑卽此地也



云樂遊苑在林之鼓明出此也

輿地志云在晉為藥園宋元嘉中以其地為北苑更造樓觀後改為樂遊苑宋孝武帝大明中造正陽林光殿於內梁侯景之亂焚毀略盡陳天嘉六年更加修葺陳亾遂廢又按建康實錄宋文帝元嘉十一年三月禊飲於樂遊苑會者賦詩顏延之為序南史梁大通三年武帝幸樂遊苑時新造兩刀稍長二丈四尺圍一尺三寸帝因賜羊侃河南國紫騮馬試之侃執稍上馬左右擊刺特盡其妙觀者登樹樹俄而折因號其稍為折樹稍及陳宣帝即位北齊使常侍李駒來聘賜宴樂遊苑尚書令江總作詩以贈之寰宇記云其地在覆舟山南去縣六里

上林苑

南史宋孝武大明三年於真武湖北立上林苑建康實錄云在縣北十三里有古池俗呼為飲馬塘楊修之詩注云其苑連雞籠山在縣北七里

芳林苑

寰宇記云芳林苑一名桃花園本齊高帝舊宅在府城之東秦淮大路北武帝永明五年嘗幸其苑禊宴王融曲水詩序云載懷平浦乃眷芳林蓋謂此也又按南史



齊時青溪宮改爲芳林苑梁天監初賜南平元襄王爲  
第益加穿築果木珍奇窮極雕靡命蕭子範爲之記蕃  
邸之盛無以過焉

芳樂苑

齊東昏侯方在位時與宮人於闕武堂元會皇后正位  
闕人行儀帝戎服臨視又於闕武堂爲芳樂苑窮奇極  
麗多種樹木日與潘妃放恣褻瀆不可言明帝崩竟不  
一日蔬食居處衣服無改平常潘妃生女百日而亾制  
斬衰杖經衣悉麤布羣小來弔盤旋坐地舉手受執蔬  
膳積旬不聽音樂左右直長闕豎等共營肴羞爲天子

解菜又於苑中立店肆模大市日游市中雜所貨物與  
宮人闕豎共爲裨販以潘妃爲市令自爲市吏錄事將  
鬪者就妃罰之帝小有得失潘則杖之開渠立埭躬自  
引船埭上設店坐而屠肉於時百姓歌云闕武堂種楊  
柳至尊屠肉潘妃酤酒

潘問國氏重物宋本  
潘問國氏重物宋本

六朝事迹編類卷之四終



六朝事紀類卷之四終

大監初賜南平元襄王為

之記

...

...

...

...

...

...

...

...

...

...

...

...

...

...

...

...

...

...



